

**TEZĂUR LITURGIC**  
**26 NOIEMBRIE**

**ACATISTUL**  
**SF. CUVIOȘI**  
**ATANASIE**  
**ȘI**  
**TEODOSIE**  
**DE LA**  
**CEREPOVEȚ**



**MOSCOVA, 2000**



# **Акафист**

## **преподобным и богоносным**

## **отцам нашим Афанасию и**

## **Феодосию Череповецким**

### **Кондак 1**

Избрáннии уго́дницы Бо́жии, Ду́ха Свята́го  
испо́лнении, благочэ́стия побóрницы,  
преподóбнии и богоно́снии отцы́ на́ша Афанáсие  
и Феодо́сие, мы, недостóйнии, дерза́юще  
приноси́ти вам сиé похва́льное пэ́ние, усéрдно  
мо́лим вас, приими́те сиé смире́нное  
приноше́ние на́ше и свои́ми тёплыми моли́твами  
испроси́те нам, нéмоцным, грехо́внаго жити́я  
исправле́ние, да в единомы́слии и неосла́бной  
любви́ пребыва́ющи, со умилéнием к вам  
возопи́им: Ра́дуйтеся, преподóбнии Афанáсие и

Феодо́сие, усер́днии моли́твенницы на́ша и пресла́внии чудотво́рцы.

### **Икос 1**

А́нгельского жити́я ревну́я, вы, я́ко два птенца́ а́ввы Сёр́гия вы́порхнули естé из родно́го гнезда́, да Го́спода сво́им дивным жити́ем в се́верных зéмлях Руси́ просла́вите. Ны́не же на небеси́ свéтом божéственныя сла́вы наслажда́ясь, не забúдите и нас, ча́д сво́их, с вéрою и любóвью к вам притека́ющих, и моли́твами сво́ими оградíte вопи́ющих вам:

Ра́дуйтеся, вся сла́вная и кра́сная ми́ра сегó в прах вмени́вшии.

Ра́дуйтеся, Христа́ ра́ди все́м себе́ порабо́тившии.

Ра́дуйтеся, вели́ции свети́льницы, благода́тию Бо́жией мир озаря́ющи.

Ра́дуйтеся, богоуго́дным жити́ем сво́им нас на стезю́ спасéния наста́вляющи.

Ра́дуйтеся, пустыннолю́бцы, в сердéчной тишинé Бóга взыска́вшии.

Ра́дуйтеся, блага́сть и́га Христо́ва позна́вшии.

Ра́дуйтеся, подви́жницы до́брии, о́бразы крóтости и смире́ния.

Ра́дуйтеся, ра́досте на́ша и предивное поможе́ние.

Ра́дуйтеся, преподо́бнии Афанáсие и Феодо́сие, усéрднии моли́твенницы на́ша и пресла́внии чудотво́рцы.

## **Кондак 2**

Ви́дя тя, блаже́нне Феодо́сие, Человеколю́бец Госпо́дь, го́рько пла́чуца, егда́, на Шексне́ во тьме на ме́лкое ме́сто впа́дша, вопия́л еси к Нему́, и призре́ на тя. И в моли́тве пла́менной, сподо́бился еси́, яко Моисе́й в горя́щей купинé, Влады́ку всех узрети́ в луча́х горы́ о́гненной. Я́ко кора́бль, самово́льно шед, да приста́нет к горе́

той, тако и душа́ тво́я наве́ки прилепи́лася естъ к Бо́гу, позна́в в Нем Еди́нем спасе́ние. Мы же, дивя́ся Всеблагóму Бо́гу, му́дро просвети́вшему тя, благодарственно поём Ему́: Аллилу́иа.

## **Икос 2**

Разум божественный возсия́ в се́рдце твоём, богому́дре Феодо́сие, егда́, ты, купе́ц сый, ища́ бисера́ духо́внаго, мно́жество градóв и весе́й проше́д, обрёл еси́ бесце́нный бисер, Христа́, на брега́х Шексны́. Тако, всечестны́е отцы́, споспешествуйте обрести́ и не теря́ть сей до́брый бисер и нам, с ве́рою глаго́лющих:

Ра́дуйтесь, мо́ря стра́стного пучи́ну под водите́льством Христа́ до́бре проше́дшии.

Ра́дуйтесь, значе́ние бытия́ земна́го уразуме́вшии.

Ра́дуйтесь, воору́жившись кре́пкою ве́рою, ду́ши сво́я от бурь невредíмо сохрани́вшии.

Ра́дуйтеся, Свято́й Тро́ице ве́рно, в простоте́  
се́рдца служи́вшии.

Ра́дуйтеся, друг во друге единомы́сленников и  
сомолі́твенников имéвшии.

Ра́дуйтеся, к жи́зни но́вой во оби́тели  
Воскресе́ния Христо́ва воскрéвшии.

Ра́дуйтеся, в ра́дость Го́спода свое́го  
вше́дшии.

Ра́дуйтеся, ре́вность о Бо́же в се́рдцах мно́гих  
возже́гшии.

Ра́дуйтеся, преподо́бнии Афанáсие и  
Феодо́сие, усéрднии моли́твенницы на́ша и  
пресла́внии чудотво́рцы.

### **Кондак 3**

Си́лой Вы́шняго на ско́рбном земно́м  
по́прище укрепля́емый, преблаже́нне Афанáсие,  
при́сно плóть свою́ по́сохом желе́зным изнуря́л  
еси́, нося́ его́ с собо́ю на вся́кое вре́мя, да  
па́губныя стра́сти умертви́т. Ду́шу неуста́нно

покая́нием очища́л еси́, помышля́я лишѣ о вѣ́чном и небѣ́сном. Зря́ще таково́е твоѣ́ о спасѣ́нии души́ тѣ́ание, умиля́емся научи́вшему и вразуми́вшему тя́ Всеми́лостивому́ Бо́гу и поѣ́м Ему́: Аллилу́иа.

### **Икос 3**

Иму́ще еди́но лишѣ́ рачѣ́ние, е́же Христу́́ Бо́гу угоди́ти, ве́рно и усѣ́рдно Ему́́ служи́ти, Афанáсие и Феодо́сие, на зов Госпо́день ра́достно во оби́тель Святы́я Трѳ́ицы притекли́ есте́, и та́мо от рук áввы́ Сѣ́ргия постриже́ние приня́вши, на стезю́́ мона́шескаго́ жити́я вступи́ли есте́. До́бре же Го́сподеви послужив́ши, венце́в небѣ́сных сподо́билися есте́. Ны́не же ко спасѣ́нию упра́вите и нас, с любѳ́вью пою́щих вам:

Ра́дуйтеся, непреста́нно пред лице́м Святы́я Трѳ́ицы предста́щи.

Ра́дуйтеся, о́бразом своего́ жити́я умы́ наша к  
го́рнему ми́ру возводя́щи.

Ра́дуйтеся, су́етную му́дрость ве́ка сего́  
посрамля́ющи.

Ра́дуйтеся, ослеплённых мра́ком греха́ на путь  
пра́вый наста́вляющи.

Ра́дуйтеся, собесе́дницы молча́ния  
взыску́ющих.

Ра́дуйтеся, ли́ры, весе́лящие сердца́  
тоску́ющих.

Ра́дуйтеся, чи́стые исто́чницы, душ на́ших  
исцелёние.

Ра́дуйтеся, си́лы Бо́жией дивное явлёние.

Ра́дуйтеся, преподо́бнии Афанáсие и  
Феодо́сие, усер́днии моли́твенницы на́ша и  
пресла́внии чудотво́рцы.

#### **Кондак 4**

Бу́ри житёйския́ му́дре избежа́, иму́щи  
произво́ление непреста́нно рабо́тати Го́сподеви,

преподобнии Афанасие и Феодосие на кийждо день Богу угодити усердствовали есте, Ему одному воспевая выну: Аллилуиа.

#### **Икос 4**

Слышавше дивныя о Бозе труды ваша и молитв ваших непрестанное горение, преподобнии отцы Афанасие и Феодосие, с горы земныя на гору небесную удобь востекшии, мы, алчущии покаяния и о Господе ревнующе, яко елени к источникам водным, припадаем к вам, сосудам Богом избранным, благодатных даров преисполненным, да вами наставляеми, леность душевредную от себе отрясем, на подвиги духовныя простираяся. Сего ради умильно зовем вам:

Радуйтеся, неустанно со слезами радости пред иконою Воскресения Христова предстоящи.

Ра́дуйтеся, в глубинé серде́ц непреста́нно  
моли́тву Иису́сову творя́щи.

Ра́дуйтеся, плоть свою́ всеце́ло ду́ху  
покорившии.

Ра́дуйтеся, тяготы́ друг дру́га братолю́бно  
носившии.

Ра́дуйтеся, смиренному́дрия доброгласныя  
пропове́дницы.

Ра́дуйтеся, кро́тких и смире́нных се́рдцем  
собесе́дницы.

Ра́дуйтеся, позна́вшие сла́дость  
равноа́нгельного жити́я, вы́ну о Стра́шном  
суди́ще памяту́я.

Ра́дуйтеся, понёсшие тяжёсть ино́ческого  
креста́, во вся дни о Воскресе́нии Христа́ лику́я.

Ра́дуйтеся, преподо́бнии Афанáсие и  
Феодо́сие, усёрднии моли́твенницы на́ша и  
пресла́внии чудотво́рцы.

## Кондак 5

Боготѣчней звездѣ, путеволившей дрѣвле волхвов к Богомладенцу Христу, подобися свет горы огненной, озаривший земли Череповския, к нейже Феодосий с Афанасием, яко корабль на маяк, притекли есть, благодатию Божией водими. Немерцающим сиянием славы вашея, отцы всехвальныя, освещаеми, вопием прославльшему вас Богу: Аллилуиа.

## Икос 5

Видя алчущих безмолвия Афанасия и Феодосия, и слыша их смиренныя мольбы, да пустынное житие их в Белозерских предѣлах во всегдашнее Богу служение освятит, богомудрый авва Сергий благослови чад своих на тяжкие труды во славу Божию. Тако в междуречье Ягорбы и Шексны, яко светозарная звездѣ, возсия обитель Святыя Троицы и Славнаго Христова Воскресения. Ныне же во славе

небесней торжествуя, примите, отцы  
преблаженнии, от нас похвалы сия:

Радуйтесь, ученицы славныя преподобнаго  
Сергия, его святыми молитвами обитель  
Воскресения Христова основавши.

Радуйтесь, на служение Христу добре стадо  
сбравши.

Радуйтесь, первейших иноков в землях  
Череповских наставницы.

Радуйтесь, о гресех наших молитвенницы и  
печальницы.

Радуйтесь, брега Ягорбы и Шексны светом  
любве Христовой озаривши.

Радуйтесь, чадолюбивые отцы всем  
притекающим к вам бывши.

Радуйтесь, велицыи ученицы Великаго  
Учителя Христа, стяжавшие Его кротость и  
смирение.

Ра́дуйтеся, скорбя́щих и оби́димых отра́до и  
утеше́ние.

Ра́дуйтеся, преподо́бнии Афа́на́сие и  
Феодо́сие, усер́днии моли́твенницы на́ша и  
пресла́внии чудотво́рцы.

### **Кондак 6**

Пропове́дницы святы́я ве́ры, богоно́снии  
отцы́ на́ша Афа́на́сие и Феодо́сие, ны́не  
предстоя́ Милосе́рдному Спаси́телю на́шему,  
моли́тся приле́жно, да угаси́т Влады́ка всех  
безме́рно горя́щую печь страсте́й на́ших  
о́гненную, да умири́т и тишину́ водвори́т в нас.  
Да и мы, укрепив́шиися во благо́м, сподо́бимся  
непреста́нно и усер́дно возноси́ти Бо́гу  
благодаре́ние, купно́ с ва́ми, в сей жи́зни и в  
бу́дущей, воспева́я Ему́: Аллилу́иа.

### **Икос 6**

Воссия́сте, я́ко свети́льницы богосве́тлыя, от  
Христа́, пра́веднаго Со́лнца, свет прие́млющи,

Афанáсие и Феодóсие, зéмли Черéповские чудесы́ свои́ми озари́ли есте́, светозáрными добродéтелями нас просвещáя. Не тóкмо свои́х ученико́в спасéнию в Бо́ге учи́ли есте́, но и нас ны́не во небéсныя обите́ли Святы́я Тро́ицы путево́дите. Сего́ ра́ди благодарим и ублажа́ем вас та́ко:

Ра́дуйтесь, бо́дрости и трезвéния до́брии учи́тели.

Ра́дуйтесь, изнемога́ющих и малоду́шием колеблемых укрепите́ли.

Ра́дуйтесь, люботру́днаго жити́я законополо́жницы.

Ра́дуйтесь, в ну́ждах на́ших ско́рыя помо́щницы.

Ра́дуйтесь, в омраче́нии страсте́й пребыва́ющих просвети́тели.

Ра́дуйтесь, нераде́ния и пра́здности прогоните́ли.

Ра́дуйтеся, милосе́рдию Отца́ Небе́снаго  
подража́тели.

Ра́дуйтеся, духо́внаго любому́дрія подáтели.

Ра́дуйтеся, преподо́бнии Афанáсие и  
Феодо́сие, усе́рднии моли́твенницы на́ша и  
пресла́внии чудотво́рцы.

### **Кондак 7**

Хотя́й пред сме́ртью наста́вление да́ти,  
первонача́льник Феодо́сий призва́ к себе́  
бра́тию, моли́ ко всем нелициме́рную любóвь  
име́ти, в ве́ре и единомы́слии пребыва́ти,  
чистоту́ хранити, злых по́хотей и страсте́й  
бе́гати. И возложи́ на ра́мена Афанáсия крест  
игу́менский, да бра́тию оте́чески на путь  
спасе́ния наста́вит, и оби́тель от нестрое́ний  
сбереже́т. Мы же на богоуго́дное жити́е ва́ше  
взира́юще, усе́рдному ва́шему служе́нию  
Еди́ному Бо́гу подража́юще, умильно́ Ему́  
вопи́ем: Аллилу́иа.

## Икос 7

Но́вый Сио́н яви́ся гора́ Черéповская, егда́ к сия́ющим ея́ свети́льницам ча́да духо́вная приидо́ша равноа́нгельному жити́ю науча́тися. Мы же, по́двиги ва́ша ублажа́юще, поём вам хвале́бные пёсны сицевы́я:

Ра́дуйтесь, уго́дницы Бо́жии, со́бранному ва́ми ста́ду во всем побóрницы необори́мии.

Ра́дуйтесь, вёрныя служи́тели Святы́я Тро́ицы, Ею́ насталя́емии и храни́мии.

Ра́дуйтесь, с телéсными по́двиги у́мное дéлание сочета́вшии.

Ра́дуйтесь, благодáтную си́лу и сла́дость моли́твы Иису́совой позна́вшии.

Ра́дуйтесь, за́поведи Бо́жия всем се́рдцем возлюбíвшии.

Ра́дуйтесь, в безмо́лвии о всем ми́ре со слезáми моли́вшии.

Ра́дуйтеся, я́ко Само́му Христу́, вся́кому с  
любо́вию служи́вшии.

Ра́дуйтеся, от ми́ра су́етнаго по́двиги сво́я  
сокры́вшии.

Ра́дуйтеся, преподо́бнии Афанáсие и  
Феодо́сие, усéрднии моли́твенницы на́ша и  
пресла́внии чудотво́рцы.

### **Кондак 8**

Стра́нное и пресла́вное явлéние чрез вас  
благодáти Бо́жией узрél еси́ мир воóчию, егда́  
мéстность безлю́дная в храм Бо́жий соде́яся,  
дéбри в дивный град претвори́ся, и вмéсто  
терно́вника взы́де кипарис, и́бо zde Господь  
воцари́ся. Дивя́щися вели́чию Вы́шняго, с  
умилéнием поём Ему́: Аллилу́иа.

### **Икос 8**

Всем был еси́ прибе́жище спаси́тельное,  
блаже́нне Афанáсие, добродéтельми  
испо́лненный, по смéрти отца́ нашего́ Феодо́сия

поко́рно став игу́меном оби́тели Воскресе́ния Христо́ва. Ны́не же, на небеси́ водворя́ся, вку́пе славосло́вя Бо́га, отцы́ всехва́льнии, наста́вите от ве́ры во Христа́ ника́коже отступáти и нас, велича́ющих вас пёсньми сицевы́ми:

Ра́дуйтеся, ве́рою крёпкою попече́ния житёйския отложив́шии.

Ра́дуйтеся, и́стину во Христé пости́гшии.

Ра́дуйтеся, постóм, труда́ми и моли́твами стра́сти па́губныя умертвívшии.

Ра́дуйтеся, ско́рби от челове́к, я́ко приобще́ние Христо́ву поноше́нию возлюбívшии.

Ра́дуйтеся, ино́ческие обе́ты свято соблю́дшии.

Ра́дуйтеся, на спасе́ния путь приве́дшии мно́ги ду́ши заблуд́шии.

Ра́дуйтеся, всех, притека́ющих к вам, радостию встреча́ющихи.

Ра́дуйтеся, любóвию и крóтостью сердца́  
чёрствыя умягча́ющи.

Ра́дуйтеся, преподо́бнии Афанáсие и  
Феодо́сие, усёрднии моли́твенницы на́ша и  
пресла́внии чудотво́рцы.

### **Кондак 9**

Всех хотя́ спасти́, Человеколю́бец Госпо́дь  
смирённое и по́стническое жити́е ва́ше, я́ко  
о́браз спасёния, лю́дям показá, да на него́  
взира́юще, губи́тельныя стези́ мно́гия да  
избе́гнут, шёствуя спасёния путём, вку́пе с  
ва́ми при́сно пою́ще Влады́це всех: Аллилу́иа.

### **Икос 9**

Вети́и многовещáннии не возмо́гут досто́йно  
восхва́лити вас, преподо́бнии отцы́ на́ша  
Афанáсие и Феодо́сие, ни́же мо́гут изья́снити  
си́лу чудотво́рную, ю́же вы явля́ете челове́кам на  
вся́ку по́льзу душе́вную и телёсную. Мы же, а́ще  
и не́мощны есмы, о́баче любóвию к вам

побеждаеми, отверзаем недостойныя уста своя,  
прославляем вас и глаголем:

Радуйтесь, попечение о себе всецело на  
Божий Промысл возложивши.

Радуйтесь, смирение, яко бремя Христово, во  
всем вашем житии всегда добре носивши.

Радуйтесь, кротости и воздержания приснии  
рачители.

Радуйтесь, нищих духом вернии сожители.

Радуйтесь, искушени бывше, искушаемым  
помогающие.

Радуйтесь, всех притекающих в сердца своя  
любвеобильныя вмещающие.

Радуйтесь, унывающих благодатные  
ободрители.

Радуйтесь, душевных и телесных недугов  
милосердные исцелители.

Ра́дуйтеся, преподо́бнии Афа́на́сие и Феодо́сие, усер́днии моли́твенницы на́ша и пресла́внии чудотво́рцы.

### **Кондак 10**

Спасти́ хотя́ ду́ши своя́, отцы́ богому́дрии, ве́дая, я́ко ни пост, ни презре́ние преле́стей ми́ра сегó, никии́ по́двиги и добродéтели ни есть вожде́ленное спасе́ние, но то́кмо к Бо́гу любóвь, стяжа́ли ю. Ны́не же, ра́достно Творцу́ предсто́я, во сла́ве Бо́жией лику́я, воспева́ют вразуми́вшему их Бо́гу: Аллилу́иа.

### **Икос 10**

Стено́ю твёрдою и щито́м крёпким яви́лися, всехва́льнии отцы́, всем к вам прибега́ющим: нужда́ющимся по́мощь ми́лостиво подава́ли есте́, страстьми́ и скорбьми́ отягче́нных, я́коже родители́ оте́ческой ла́скою ча́да утеша́ли есте́. Бۇдьте и нам, отцы́ преподо́бнии, тёплые ходатаи́цы и заступни́цы, оградите нас прóтиву

чу́вственных и мы́сленных враг. Да сих  
изба́вьшися, благода́рно вопи́ем к вам тако́вая:

Ра́дуйтеся, зе́мли Черёповския по́двигами  
своими облиста́вшии.

Ра́дуйтеся, во оби́тели Воскресе́ния Христо́ва  
и́щущих спасе́ния собра́вшии.

Ра́дуйтеся, постом и всено́щными бде́ниями  
по́хоть плоти́ умертви́вшии.

Ра́дуйтеся, подви́жническим жити́ем от сна  
грехо́вного мно́гих пробуди́вшии.

Ра́дуйтеся, трезвения́ непреста́ннаго и  
чистоты́ помы́слов усерднии ревни́тели.

Ра́дуйтеся, пла́меня ве́ры и любви́ ко Го́споду  
в сердца́х неусы́пнии храните́ли.

Ра́дуйтеся, сия́нием добродете́лей ду́ши,  
мглою грехо́в помраче́нныя, озаря́ющии.

Ра́дуйтеся, моли́твами сво́ими покая́нием  
очи́стится помога́ющии.

Ра́дуйтеся, преподо́бнии Афанáсие и Феодо́сие, усéрднии моли́твенницы на́ша и пресла́внии чудотво́рцы.

### **Кондак 11**

Пе́ние погребáльное со слезáми мно́гими соверша́ху ученицы́ твои́, преподо́бне Афанáсие, провожда́юще тéло твоé свято́е к мéсту упоко́ения. Погребóша тя рядом со отцём всехва́льным Феодо́сием, да дво́ица свящённая па́ки вмéсте б́удет. Ны́не же телáми под спúдом собóрнаго хра́ма почивáющи, ду́шами же пред престóлом Всевы́шняго предсто́яще, зря́ще усéрдие и нéмоць на́ши, не прéзрите моли́тв чад свои́х, и нам у Христа́ Спа́са испросите грехóв оставлéние, жития́ исправлéние, да всяк день и час с чистым сéрдцем благода́рно поём Бóгу: Аллилу́иа.

## Икос 11

Свет ваших добродетелей незаходимый не угасе и в годину смутную, егда, яко стаи волков хищных, вражия ополчения поругания творяху на земли Русской. Раззориша обитель Воскресения, и иноков мечом посекоша, обаче святости Божией и славы угодников Его не одолеша, ибо память преподобных во веки пребывает. Мы же, сему дивящися и труды ваша славяще, ублажаем вас и с любовью поем вам:

Радуйтеся, страны Российския покрове и ограждение.

Радуйтеся, пред Святою Троицею теплыми ходатаи нашего спасения.

Радуйтеся, Вологодския земли священное украшение.

Радуйтеся, Череповскаго края дивное прозябение.

Ра́дуйтеся, себя́ в же́ртву Го́сподеви  
прине́сшии.

Ра́дуйтеся, на вы́соту́ бесстра́стия  
возше́дшии.

Ра́дуйтеся, га́снущии свети́льники на́ша елеем  
свои́х моли́тв испра́вляющии.

Ра́дуйтеся, во всем благо́м соде́йствующии и  
по́мощью сво́ей не оста́вляющии.

Ра́дуйтеся, преподо́бнии Афанáсие и  
Феодо́сие, усер́днии моли́твенницы на́ша и  
пресла́внии чудотво́рцы.

## **Кондак 12**

Благода́ть от Бо́га да́нную ва́м ве́дяще,  
духonóснии отцы́ на́ша Афанáсие и Феодо́сие,  
приле́жно мо́лим вы́: вознеси́те ко Го́споду ны́не  
те́плии моли́твы ва́ша, да сохра́нит Благо́й  
Человеколю́бец страну́ и град наш  
невреждённу, да поми́лует и спасёт вся

правосла́вныя хри́стиа́ны, с ве́рою вопи́ющих  
Ему́: Аллилу́иа.

## Икос 12

Воспева́я ны́не многотру́дныя по́двиги ва́ша,  
ра́ди любви́ ко Христу́ соде́янныя, ве́мы, я́ко не  
хвале́бныя песнопéния от нас ожида́ете, но  
трудо́м ва́шим послéдования. Мы же по́мощи  
ва́шея прося́ще, глаго́лем:

Ра́дуйтесь, в постé и моли́тве пребыва́ющим  
при́сно спребыва́ющим.

Ра́дуйтесь, проходи́ти по́прище земна́го  
жити́я всем притека́ющим к вам помога́ющим.

Ра́дуйтесь, от злых наве́тов, ко́зней и сетей  
бесо́вских огражда́ющим.

Ра́дуйтесь, в ве́ре правосла́вной нас  
утвержда́ющим.

Ра́дуйтесь, пристра́стия душевре́дныя к  
тле́нному искореня́ющим.

Ра́дуйтеся, на небесі́ искати́ вся своя́  
желáния научáющие.

Ра́дуйтеся, мирное устроéние в сердца́,  
страстьми́ обуреваемии, водворя́ющие.

Ра́дуйтеся, и в стра́шный смёртный час своим  
ходáтайством и заступлénием не оставя́ющие.

Ра́дуйтеся, преподóбнии Афанáсие и  
Феодóсие, усёрднии моли́твенницы на́ша и  
пресла́внии чудотво́рцы.

### **Кондак 13**

О пресла́внии и пречу́днии, уго́дницы  
Христо́вы, преподóбнии Афанáсие и Феодóсие,  
ны́нешнее на́ше ма́лое приéмше приноше́ние,  
помяните нас, недосто́йных, во святы́х молéниях  
ва́ших и у Христа́ Жизнода́вца ве́ру, смире́ние и  
па́мьть смёртную нам испроси́те, да ва́шими  
моли́твами укрепля́еми и на путь спасéния  
наставля́еми достигнем Цáрствия Небéснаго,  
и́деже вы Престо́лу Всевы́шняго со все́ми

святѣми во Славе Божией ныне ликуѣ  
предстоите, поюще Ему песнь: Аллилуиа.

Этот кондак читается трижды, затем 1-й икос  
и 1-й кондак.



**ПОЛНЫЙ  
АКАФИСТНИК  
КАНОНИЧЕСКИЙ**

**АКАФИСТЫ  
КО ГОСПОДУ БОГУ  
ПРЕСВЯТОЙ  
БОГОРОДИЦЕ  
АРХАНГЕЛАМ  
И АНГЕЛАМ**

**І**

**НОВОЕ  
НЕБО**